

周

禮

質

疑

周禮質疑跋

先生王父庶常公平生著書最富向雕刻十餘種皆手  
自校讐畧無差訛久已流布海內嗣復著閏餘稿六卷  
江村隨筆十卷續錦機補遺六卷而周禮質疑五卷乃  
暮年所手著也去歲庀工受梓未及半而遽捐館舍

輝

每觀手澤遍滿行間而幽明永隔音容頓杳不禁泫泫

泫下伏念 生王父一生好古績學文章翰墨雖已大

彰寰區而終老詞垣未獲少展所蘊時爲悒惋讀其自

序所抱經濟可畧窺一斑矣今 輝 謀于伯父叔父愿慫

告竣以仰副 生王父未竟之志第諸父苦茨中心神

未寧弗暇細閱而余小子復昏愚無知魚魯罔辨其中

舛錯不知凡幾倘四方 大人先生能正其說而糾其  
謬惠然頒示俾 生王父衆著重加更訂以稱完書豈  
惟荷諸君子之德于不忘而輝魯莽之罪庶可少追于  
萬一也夫乾隆丙子四月三日孫曾輝揮淚謹識

小序

周禮太平經國之書也。余少有志焉。及登仕版。職詞翰。耳與幼學左堯舜君民。徒托空言。不禁午夜嘆息。長夏溽暑。偶翻周禮注疏。及諸家解。不無異同。得失聊爲折衷焉。凡政教典法。可以見諸行事者。酌古準今。每以已意論著之。點定吟諷。熙舉之象。恍如在目。吾老矣。世有願爲伊呂事業者乎。吾將以此冊贈之。乾隆乙亥夏五八十一歲江村老夫劉青芝造。

周禮質疑卷一

襄城 劉清芝 芳草 卷

天官

序官

內小臣奄上士四人

古之內小臣員簡任重。人賢。奄上士四人。奄僅四人。官省而所用皆上士。王明齋所謂必有士器。士行士德而錫以士爵者也。其所有事。掌后命正服位前。駢所以左右王后之出入起居也。至於禮事。詔之相之。正之。則六官皆閑於禮矣。好事好令。將以物而慰以

言親親之道賴之陰事陰令掌焉則恩澤普而嫉妒  
無聞其職任豈不重哉自漢明帝以後員數日增中  
常侍十人小黃門二十人迨唐開元天寶間宦官黃  
衣三千員衣朱紫者千餘人人愈衆而權愈專天爵  
手握天憲口含舉動搖山河威勢震雷霆因之朝綱  
紊亂王室潰喪漢唐以來史不勝書宋祁所謂昏君  
蔽於所昵英主禍生所忽者也此皆不講於古內小  
臣之職而所用皆陰險詭毒之寺人故也若以士德  
士行之上士充之寧有是哉夫然後嘆周家命官之  
善也

太宰

予以馭其幸

註以幸爲言行偶合於善。言行偶善似不得與爵祿  
誅廢並列。八柄中劉氏謂王所親幸。楊氏謂雖嬖幸  
無過制。劉執中以幸爲榮。幸予及其賢。天下榮之。李  
景齊以爲人主有特厚之恩。所以鼓舞人心。使之奔  
走於事功。此馭幸深意。四氏之論近之。蓋幸須兼賢  
奸兩種於私人之幸。無濫賞於賢人之幸。有殊恩皆  
所謂馭也。

誅以馭其過

誅字先儒兩訓。責讓殺。鄭氏曰誅責讓也。賈氏曰臣  
有過失。非故爲者。則以言語責讓之。又曰內史變誅

言殺欲見爲惡不止則殺之過非惡且逆探其爲惡  
不止而遽以殺立戒恐非然林椅曰誅與生對立以  
用誅之文考之必非適然之過上文生字王有所以  
生之者非應死而赦之以生也如何云誅生對立魏  
鶴山曰誅止責讓字從言諸經皆然自秦漢以來始  
以誅訓殺因舉陵陽三禮辨云三歲誅賞計其凡而  
升黜之魏意黜非殺也據諸說訓誅爲責讓者是而  
過乃適然也

小宰

一曰廉善二曰廉能三曰廉敬四曰廉正五曰廉法六  
曰廉辨



廉者洗心而潔行天下事皆須從此做起况此六事乎古人於六事皆以廉貫其首蓋有深意貪者廉之反貪殘伏於隱善以文之貪取成於巧能以濟之貪之極爲橫烏能敬貪之形爲邪烏得正苟得何以守法智昏何以辨事康成以廉爲六事之本得之宋東巖曰廉特善之小言善則廉在其中天下有善而不廉者未有廉而不善者又謂廉猶廉問廉察似重在問察上曰聽曰弊問察在其中矣豈尙煩此喋喋乃反以康成解爲非何哉

### 凡賓客贊禠

賈氏曰凡賓客贊禠者大行人云上公再禠而酢謂

諸侯來朝朝享既畢王禮之有此灌酢之禮王昭禹  
曰灌酢祭祀先王以祭祀之禮待賓客所以致敬而  
神之今人宴賓將宴端身立廷簷舉爵灌地名曰告  
奠此蓋灌酢之禮之遺但灌非奠亦無所告相沿之  
誤不知古人敬賓以祀先之禮待賓也

宮伯

月終則均秩歲終則均叙

王明齋曰秩祿之高下事有勤惰則爲之高下其食  
叙位之等級官有陞降則爲之先後其次月有勤歲  
則陞之月有惰歲則降之而先後在其中高下先後  
一正所謂均也介甫謂秩酒秩膳依品秩予之勞逸劇

易以歲時更此一胥吏足辦之何煩官伯均爲首言  
行其秩叙恐其留滯也尙虛至於均則實見之行事  
矣○按王宮之士庶子註謂士王宮中諸吏之適子  
庶其支庶也疏謂吏卿大夫之總名臨川王氏曰士  
庶子非王族則功臣之世賢者之類余謂卿大夫之  
子弟以天子爲家守在王宮則其情親教之以師保  
合之以司樂考之以諸子則所以成其德者備以休  
戚一體之人講明於道義者有素而使之列於八次  
八舍則王之前後左右誰非端人正士哉奉燕私可  
以養德司禦侮必能守義此古之執戈衛玉宮者必  
以士大夫職之也鄭節卿云西漢之興凡更直執戟

內謹門禁外統車騎者皆經明行修之士故諸呂之亂滕公除官左右執戟不肯去代王入未央宮謁者執戟衛端門不得入其效可觀矣宮伯所掌在版之士庶子古皆用卿大夫之子弟爲之有以哉

膳夫

膳大掌王世子之食飲膳羞

王者食飲之微必掌以膳夫之官者一以供其養一以節其制也上世肉林酒池及唐家以鋪遞貢荔枝窮奢極侈四海困苦譏非此不節階之厲哉記曰飲食男女人之大慾存焉人主之欲一動必有投其欲長其欲成其欲者則其欲必至於縱如大之燎原豈

復。尚。可。撲。滅。周。官。所。供。各。有。定。制。正。以。朝。夕。人。所。不。  
可。離。者。日。漸。月。磨。以。室。之。非。偶。然。也。王。日。一。舉。至。喪。  
荒。札。災。故。五。者。有。一。則。不。舉。王。者。敬。天。勤。民。之。意。寓。  
其。中。矣。世。子。會。其。禽。則。無。禽。荒。之。失。會。其。酒。則。無。酒。  
荒。之。失。會。其。服。則。無。好。潔。衣。服。之。失。儲。君。國。本。三。會。  
足。以。正。繼。天。下。之。本。矣。嗚。呼。王。世。子。一。飲。食。間。所。關。  
於。德。業。之。隆。替。者。如。此。其。重。且。大。掌。於。膳。夫。而。豕。宰。  
統。攝。之。也。宜。哉。

### 王齊日三舉

曰。齊。自。屏。絕。酒。葷。清。靜。澹。泊。所。以。交。神。明。也。齊。必。變。  
食。變。其。常。食。也。常。日。一。舉。且。罷。之。乃。日。三。舉。哉。又。齊。

潔也。恭也。齊不齊以致其齊也。若日嚼大嚼必有堯舜千鐘以繼之。任意飲啖。形神頽唐。內何以致其潔。外何以致其恭。所謂齊不齊者。應不獨按一舉一大牢三舉三大牢。日三大牢。無論暴殄天物。卽康頤善飯。恐亦不能飽其十一也。至謂恐食力不及不能勝祭事。所任愈重。則所養愈加厚。平生不思養生之道。偶以三大牢充一日之腹。輒能使精明強固。哉亦可哂矣。在禮一人之養。歲封羊。劉豕。八百頭。擊牛三百六十。內外祭祀。無月不齋。則一歲食牛羊豕不下二千餘頭。竊疑周公制禮。恐必不若是侈也。鄧潛溪曰。經文課益不舉也。王明齋曰。王齊日三舉。當作王齊。

則不舉。與下文類相從。二說得之。

### 庖人

共祭祀之好羞

康成謂好羞非常物。若荊州鱖魚。青州蟹。胥則好字。當從上聲。鄭錡謂屈到嗜芟。死而其子羞芟。則好字當從去聲。錡說爲長。凡其死生無蕘之物。寧不以其好者供祭祀。不待言矣。孝子思親之所嗜。而以好羞祭其先。此祭祀之獨異者。故庖人特共之也。安石謂所求難致。文王菖蒲。曾子羊棗。亦豈難致之物哉。又云。昭先人之僻。好君子不爲。以一飯不怠之心。而視爲暴親之過。何其謬也。又引孔子不以四方之食供

簿正爲証四方之食非好羞之謂也更不倫矣。

外喪

邦饗耆老孤子

疏謂耆老孤子死事者之父祖兼國老庶老孤子死  
事者之子。余謂耆老孤子對舉。但就死事老幼言之。  
不必兼國老庶老。觀酒正諸家所解耆老孤子可見。  
矣。鄭錡曰耆老之子孤子之父死於王事。憫其窮獨。  
無依。酒無酌數。示恩意之厚。又云此非大饗。大饗則  
几設而不倚。酒盈而不飲矣。鄭節卿曰生蒙其力而  
死恤其老幼。所以報也。太拘則歡不洽。酒無酌數。則  
曲盡其情而極其歡。據此則無尋常養老釋奠設席。



適饌省醴割牲執醬執爵之儀文可知矣其非陳氏禮書所謂羅氏獻鳩以養之國老司徒以保息養之庶老並司門以其財養死政之老文可知矣必如陳氏所云外饗耆老總三者而言則皇氏所云引戶校年庶人之老王志長以爲庶人無咎無譽歌詠王風以至於八九十者應亦在其中則耆老又當爲四種矣古人之文隨人隨事立義不必牽連漫衍疏謂耆老兼國老庶老者不必從也

### 甸師

王之同姓有舉則死刑焉

莊渠曰甸師王宗廟盛盛戮於是示得罪祖宗已不

敢赦得之。介甫以親而致死刑，乃所以事宗廟。鶴山曰：殺其子孫以事祖禰，必不然矣。甸師非掌刑之官。其地亦非市朝戮人之所。王族有罪而必致刑於此者，疆場多屋宇，有隱處，刑於此爲王族隱也。不與國人慮兄弟之意。文王世子曰：王族有死罪，則磬於甸人。磬取縣義以繼而死，故其文曰死刑。亦不欲顯言殺戮也。易氏以罪有輕重，分死刑爲二等，亦不必矣。

### 獸人

冬獻狼夏獻麋春秋獻獸物

鄭鈔曰：春物方服乳，未可取者，不當獻。秋物已成，苟可獻者，無不用。故不言所獻之名。冬夏豈無不可取。

及苟可獻者。何以獨舉其名也。余謂獻狼獻麋。偶舉其一耳。獻獸物不名何物。凡可獻者。獻之不勝數。故不名。蓋知冬夏之獻之。不盡此二物也。且古人文法多。故用變化。○四時獻物。備養王之用也。介甫以諸物皆害稼。以官主獻。正所以除民之害。其論大而無當。後凡田獸者。掌其政令。出獵。有時。獺祭魚。虞人入澤梁。是也。取獸有法。不殺胎。不殀天。是也。死生龜。辨其物。宜公宜私。審其當。獸人所掌。政令不過如是。介甫謂周沛澤多。而禽獸至。人嘗患其逼。唯周有以勝之。然後中國之患除。獸人之官。修寧百姓之大者。其論更迂怪而背謬矣。

鼈人

掌取互物

鄭司農曰互物謂有甲蒭胡龜蜃之屬王氏謂殼相交互也下文以時簞魚鼈龜蜃凡狸物司農謂簞以叔刺泥中搏取之則互物爲物而簞爲取物之器明矣吳氏曰取埋藏沉潛之物必有待於互物若今之魚叉則互物文爲取物之器矣其訓下掌凡邦之簞事則曰邦之簞事凡非網罟可取而器之有類於文可以得魚鼈者皆是何其與互物之解自相矛盾也

瘍醫

以五毒攻之以五氣養之以五藥療之以五味節之

原缺

先王之於祭祀必內盡其誠而外備其物朝事象事  
生朝食之進饋食象食時所進加遵象饋食之有加  
羞遵象其養之有羞所謂事死如生事亡如存者內  
盡其誠也水草之菹陸產之醢細物也三牲之俎八  
簋之食美物也昆蟲之異草木之實陰陽之物也天  
生地產莫不咸在其物可謂備矣而且稻麥黍稷皆  
三推五推之穀牲牢豚魚亦須割烹腍糗之力則備  
物之中而誠意又寓焉矣善平臨川王氏之言曰孝  
子養親欲致其盛欲致其細又欲致其難且美而又  
必欲自致焉朝事以下諸節先王於祭祀凡孝子所  
欲致於親者可謂無弗至矣糗餌粉餈醢糝之類其

穀出於耕耨而且用春治煎和之力爲多服其勤而致新以進正所謂自致之道也如此解經方能曲盡先王祭祀孝敬之誠意區區字句之釋名訓義抑末矣。

### 幕人

祭祀以疏布巾幕八尊以畫布巾幕六奠

疏布程氏謂疏布之尙反女功之始女功之作始於粗楊雄曰霧縠之組麗女功之蠶也故先王於祭祀尙疏布焉王昭禹曰言畫則知疏布之素言疏則知畫布之密皆非也觀下文凡王巾皆黼則此皆畫巾可知幕八尊用疏布幕六奠亦用疏布又可知寧至

六彛獨不尙疏布。故蓋互文也。昭禹又以下文主巾皆黼。知此畫巾亦皆黼。而以鄭註畫雲氣爲非。論却是鄭註文無所出也。

凡玉巾皆黼

史氏曰。黼者。緇以斧形。而白黑半之。白黑西北乾方之色。而斧又有斷制之義。以乾之剛健。斧之斷制。以進賢退不肖。而不至慢與過。視黼巾。足以知戒。其言辨而醇。古聖王。戶牖。刀劍。皆銘亦觸目。用警意也。但剛健斷制於國家。凡百政治。何者不宜而獨以用賢退不肖爲言。亦拘矣。又云。祭巾旣用布。主巾豈敢以他物爲之。以此知黼巾亦布。因致慨堯舜飯土墮。



銅、羹者以天地宗廟之奉。不過陶匏所用。後世天地宗廟之器。未之有。改而自奉。乃金玉文繡矣。論亦偉。

宮人

掌王之六寢之修

修鄭鍔謂修飾以致美。大非先王設官以掌之意矣。宮人所掌皆勞事。末務無乃褻甚。不知褻事王事也。王事天事也。共以吉士而統於天官。正所以弼王使之敬。而勿褻也。吳氏謂居高明遠濁穢。所以養神明而清志慮。亦斯義耳。昔衛武以爲荒耽之警。則曰夙興夜寐。洒掃庭內。子有庭內。弗洒弗掃。晉昭以不能修正國之道。則此勞事末務。豈細故哉。余謂修修治。

宮寢掃除蕪穢是也。若云飾美是爲遊玩之觀，則大謬矣。

### 掌次

掌王次之灋

灋下文旅上帝祀五帝師田喪射等所宜張設者皆所謂灋也。註云大小丈尺史氏謂廣狹多寡之制度於文無出，不必從。

### 大府

凡式貢之餘財以共玩好之用

劉迎曰：式者九式貢者九貢。顧東巖以爲合乎法式者之貢。古者任土作貢，如青之怪石、徐之浮磬，皆式

貢也。顧說是玩好之用。陳及之曰：非供耳目之玩。宗廟之鎮器。天府之守器。諸侯之分器。皆取於是以其可玩也。故曰：玩好先王於玩好以餘財共之。以明無餘財則不共。諸器皆朝廷之不可闕者。寧得以無餘財而遂不共乎？恐不然矣。先王玩好其非後世珍禽奇獸。縱耳目之欲可知。若文王靈臺靈囿。靈沼與民相歡樂。是亦玩好也。夫何傷。

凡邦之賦用取具焉。

此總言凡邦之用財皆於此取足也。其用九貢九賦九功之入可知。黃氏謂九式之當用邦賦者。貢不與有餘不足推移之而必取具其意。以經文單舉賦言。

用也。亦拘而不通矣。聖經文法言賦則貢功皆在必。如黃說則當云凡邦之貢用賦用功用豈復成文埋哉。

玉府

掌王之金玉玩好兵器凡良貨賄之藏

金玉玩好兵器良貨賄屹然六事鄭鈔謂金玉良貨賄固可玩兵器豈可玩之物似以金玉兵器良貨賄俱在玩好中矣黃氏謂王之金玉玩好兵器貨賄必取其良者下奉上當如此似又以金玉玩好兵器又皆在良貨賄中矣皆非是兵若兌之戈和之弓器若赤刀之璧之屬良貨賄其質出於自然而美者王昭

禹云然玩好非貢賦之入必責以玩好之獻但其地只產此物可以充玩好亦足以便其所貢胡氏云然二人之解爲諸家所不及宜從

司會

以周知四國之治以詔王及冢宰廢置

司會職會計者其始致財用也必先知六典八法八則爲治之大本以此逆邦國都鄙官府之治其於國政之是非民情之疾弊無不考察治正之然後施九貢九賦九功九式之法以致之及以歲會考歲成之後又必周知四國禮樂刑政之治歲會雖不足而其治可旌歲會雖廢而其治有可廢乃詔王及冢宰廢

置則知政治與財用相關通而逆治知治又爲理財之本也財之出納掌之甚易持法以較用之當否則甚難府藏之官司書總其文書職歲職內課其出入職幣主其餘財各職其一而會計之官獨以法職其全蓋司會持法者也其任重凡王后六官世子與夫卿相大夫士其用度當否皆得鉤考舉正之故國無侈費而財用足後世會計之官收掌出納其下之奉者有人糾察理正其上之用者無人以致人主窮奢極侈於上人臣承上意急征橫歛於下民不堪命而國空虛皆司會不設之過也漢之計相唐之度支使猶有周官遺意倣而行之正以司會之名責以司會

之實其於國家財用或庶幾乎

司書

凡稅斂掌事者受瀟焉

凡徵於下而奉於上者皆所謂稅斂也不過九貢九賦九功而已。易氏以釋經者謂稅斂在貢賦之外。遂以稅斂爲九職之稅斂則非矣。法定制也。掌事者受之。而不敢於法外取民。黃氏謂通其有無平其緩急。而出其稅斂之法。是司書隨事自出通融之新法矣。又非也。

職幣

振掌事者之餘財

振註云拏也。檢也。疏云以財與之謂之拏。知其足剩謂之檢。夫振無與財意。似不可以拏解振。按說文拏上舉也。王禹昭謂振者以時舉之。恐積久遺忘。訓拏爲舉。庶幾近之。要之拏檢皆非經文用。振字本意恐人以餘財爲無用而輕忽之也。則振之使知皆斯民膏血當寶之如珠玉。又恐人以餘財爲利物而妄用之也。則振之使知皆國家謹身節用之餘毫末。不可以濫費。蓋振有整頓奮興之義。而餘財不致沉滯。則養老賑饑必多格外殊恩。又有震動謹凜之義。而餘財不致耗散。則卑官菲食。應成恭儉盛德。成周覺察餘財而振之。何如是之嚴切也。後世借古餘財之名。



因有羨餘之貢。皆暴斂橫征於民。以興幸國家之恩。榮者嗚呼。徒喪其生平耳。亦可哀哉。

內宰

掌書版圖之灋以治王內之政令

書賈氏謂書之於版似書版爲一事矣。劉執中謂六宮之陰禮九御之婦職。王內之政令闈寺之法禁。皆其所以爲書文似內宰所掌一書足以槩之矣。况經文明言掌法以治。如何將政令與陰禮婦職法禁並列耶。蓋書版圖屹然三項。書鄭鍔謂所以教官人。如後世女則女訓之類。版圖劉氏謂宮內百職之名氏皆載於版。宮寢內外之廬寺皆畫於圖。是爲得之政

令凡王內之百事皆政令也。康成謂闈寺者非內宰治之。治百事使各當耳。鄭錫謂其意以爲第調既交則情與愛洽。顏辭媚熟則公爲私奪。故以宮闈政令付內宰。示大公至正以塞險詖私謁之原。其言殊大而無當也。

以陰禮教六官

后妃與王同體。嬪御亦王所愛幸。此間最難處。置並寵則妬不答。則怨憎。則有讒言。愛則有私謁。甚之任姦邪而害忠良。易冢嗣而傾社稷。皆種於此。此內宰所以有六官之教也。林之奇謂宮禁之密。房闈之事。內宰何能教之。男女之別。正家所先。未聞使外官治

內事固哉斯論所謂教者非親相授受也古者后妃皆立師傅葛覃言歸首告師氏左傳傅母不在宵不下堂是也擇師傅以朝夕訓誨寧非內宰之所以教六官乎如林云是視周家內宰如秦之呂不韋漢之審食其唐之武三思委以國事而令其監宮中矣豈不悖哉陰禮余意李氏所謂德皆正言皆順無治容無廢功無侈服無衰道陰禮也關雎之不淫葛覃之躬儉樛木之無嫉妬螽斯之多子孫卷耳之輔佐求賢兔置之莫不好德亦陰禮也王昭禹以凡內事皆陰后祭市司徒教親謂之陰禮與此意同尙不及李說之親切也

使各有屬以作二事

二事鄭註謂絲枲之事王氏謂祭祀賓客之事經無明文似硬差排作二事也黃氏曰九嬪職曰掌婦學之法以教九御婦德婦言婦容婦功婦功卽婦職作二事以作事爲女功可二字究無着落易氏以爲左氏載史墨文言曰物生必有兩王有公諸侯有卿皆有貳也王以三公爲貳則知王后以三夫人爲貳矣諸侯以三卿爲貳則知三夫人以九嬪爲貳矣正合此經各有屬之義據此是以貳公上化之貳釋此貳字恰符各有屬意殊勝強尋二事作証之支離也

內小臣

正其服位

前內宰已言正后之服位矣。此復言者，某氏以爲傳內宰之所正耳。贊后佐后，皆內宰親之。至此獨命內小臣傳正哉。鄭鍔謂內宰所正者，大祭祀之時，此乃正之於官闈之中耳。斯論得之。

有好合於卿大夫

陳及之謂內交卿大夫之賢者，賢亦衆矣。豈王后所宜交。郎氏言后親族爲王朝卿大夫者，得之。鄭註云：后於其族親所善者言親而不爲所善者，亦不與也。其論更爲完善。

闈人

奇服怪民不入宮

言宿衛之士。偶有奇怪者。卽禁止之。防非常也。若常人從未入宮。卽非奇怪。已早闕諸宮門外矣。

凡內人公器賓客

史氏曰。內人應役之人。公器應用之物。是矣。至以公卿大夫之妻爲賓客也。余謂賓客常出入王宮者。與應役之人應用之物等。必有帥以導之也。

寺人

掌內人之禁令

史氏於上文戒令訓曰。戒飭其怠。令趣其行。肅然兩

事至此復訓爲一事前言戒令戒於未然此言禁令  
禁於已然何自相矛盾乃爾黃氏謂在官有警戒之  
令於外有禁止之令亦支離余意曰令言其所當行  
者曰戒曰禁皆言其所不當行者經偶變文耳無庸  
過爲分晰也

### 九嬪

掌婦學之灋以教九御

婦德婦言婦容婦功婦學在是。千古之婦道亦盡於  
是矣。與顏氏之子非禮勿視聽言動者爲千古聖學  
之本。同一切近篤實固範圍天地而不過也。內宰陰  
禮舉其要耳。九嬪之教乃致其詳。亦與四勿爲克復

之自等善乎。劉執中之論嬪教也。曰婦德以柔順貞。潔爲本。婦言以溫柔正順爲則。婦容德以正其心。禮以正其容。步武宮商。動靜禮樂是也。婦功祭祀。濯漚豆。以致其潔。奉養精膳。羞以盡其心。致力祭服。歲功之所施也。盡禮染盛。薦徹有贊。佐也。金史后妃贊以麗色相高。巧言相傾。苟能市恩。逢迎固寵。嘆後世婦學之不修。信哉。而班惠昭之言。婦行亦可爲凡。爲婦者。鑒焉。故附錄之。清閑貞靜。守節整齊。行已有恥。動靜有法。是謂婦德。不必才明絕異也。擇辭而說。不道惡語。時然後言。不厭於人。是謂婦言。不必辯口利辭也。盥浣塵穢。服飾鮮潔。沐浴以時。身不垢辱。是謂婦



容不必顏色美麗也。專心紡績，不好戲笑。潔齊酒食，以奉賓客，是謂婦功。不必工巧過人也。余謂四事以德爲本。苟無其德，徒言婦有長舌維厲之階。詩刺之矣。徒容冶容，誨淫爲盜之招，易惡之矣。徒功，牝雞司晨，惟家之索，書戒之矣。故婦學之法，以德爲首焉。

### 世婦

掌弔臨於卿大夫之喪

賈氏謂使世婦致禮物，但弔是大名，雖致禮亦名爲弔。似以世婦無弔卿大夫之禮矣。鄭康成曰：王使往弔，郝仲輿曰：王后使往弔。王氏曰：世婦視大夫，故使弔臨於卿大夫之喪。蓋世婦象大夫自應有弔喪之

禮故或爲王使。或爲后使也。况下篇女御云從世婦。弔於卿大夫之喪。則世婦之爲弔喪。益明白矣。賈解非是。

女史

女史

女以史名。與王之左右史等。凡后之事。以禮從。與左右史記王之言動等。執彤管以侍后。女德善惡必書。不獨王后無非禮之動。而宮女亦皆懼而修德。此豈女奴曉書者所能辦哉。鄭氏之說非是。劉執中云。蓋擇嬪御之賢者爲之。何氏曰。皆窈窕之淑女。以掌其教也。則得之矣。

典婦功 典絲 典泉

典婦功典絲典泉

絲。泉。婦。功。也。辨。其。苦。良。比。其。小。大。使。之。勤。作。不。苟。典。職。耳。此。人。主。奢。儉。所。自。卽。國。家。存。亡。所。關。非。士。人。掌。之。不。可。益。奢。必。淫。佚。淫。佚。必。縱。恣。貪。殘。暴。橫。所。必。至。也。國。安。得。不。亡。儉。必。省。約。省。約。必。謹。慎。憂。勤。惕。厲。所。時。凜。也。國。正。賴。以。存。人。主。苟。知。一。蠶。所。吐。僅。有。一。忽。五。忽。方。成。一。絲。則。一。絲。之。得。良。不。易。矣。與。農。之。粒。粒。辛。苦。等。豈。得。用。如。泥。沙。曾。無。一。毫。顧。惜。哉。士。人。朝。夕。左。右。俾。王。思。絲。所。由。來。惻。然。於。女。工。之。艱。則。愛。物。之。心。生。暴。殄。之。懼。深。而。恭。儉。之。德。成。矣。非。然。者。導。上。之。

欲而長其惡。敗國亂政。可勝言哉。此先王所以設三官。必掌以士人也。

周禮質疑卷二

襄城 劉青芝 芳草 纂

地官

序官

鄉老二鄉則公一人

王道必自鄉始。古者以三公爲鄉老。三公無專職。在朝則稱公。在鄉則稱老。在朝則上與天子相坐而論。道參六官之事。以進退百官。而不畏其偏。在鄉則下與百姓相親而言教。行六鄉之事。以搜賢舉能。而不嫌於褻。三公位尊道隆。位尊則其言易從。道隆則其

教易行。鄉老日與鄉人接聞見。審而是非。真毀譽。公而賢否。當是以三年大比。賓興賢能。以獻於王也。必有取於鄉老。蓋鄉老師教也。非公位固不足以當之。先王設官之意。謂教必發乎邇。而後見乎遠也。故於鄉特設三老焉。

大司徒

因此五物者。民之常而施。十有二教焉。

四方風土不同。習俗亦異。所謂移風易俗者。因其常而施教焉。非紛更變改之謂也。五土剛柔異性。隨其性之近。矯其性之偏。而教行焉矣。高明剛克。沉潛柔克。隨之也。剛必折。濟之以柔。柔必懦。振之以剛。矯之。

也。秦晉強猛。訓之以揖讓。吳越巽弱。鼓之以振拔。因其自然。去其太甚。潛移默化。道一而風同。正所謂安擾之也。武侯治蜀。用威曰威。不立則惠不行。當時不苦其難。無他。安之也。荆公新法行。四海沸騰。不安孰甚焉。夫然後嘆先王安擾之爲善教也。

以祀禮教敬則民不苟

語曰。祭思敬。又曰。祭如在。如在則敬。自生安敢有苟且之心乎。賈氏謂死者尙敬則生事其親不苟且也。非是。

以刑教中則民不驍

中字應作去聲讀。以刑教之中。平禮中。平法耳。非謂

其有過不及之失而教以中道也。鄭鏐謂民之暴以不知自歸於中道非是。鄭又引書言皋陶明刑而曰士制百姓於刑之中以爲教中道之証更謬甚矣。以度教節則民知足。

鄭鏐以民積財貨常有不足之歎以度教之安敢無自足之心其論狹而強。王昭禹曰以度教節則衣服械用有制貴賤有等民皆安分而無覬覦之患所以知足也斯言得之。

以任土事

鄭氏謂就地所生因民所能賣氏謂任人性居之居澤者利其魚鹽居陸者利其田蠶余謂任人之性而



居之非先王以法辨名物而相民宅之本意也。蓋能  
釣者居澤能耕者居陸乃所謂因其能大司徒相其  
宅而任以土事意在斯乎。鄭鏞以任爲任土作貢此  
處尙說不到貢賦上觀下文制天下之地征自見  
以土圭之法測土深正日景以求地中

周公宅洛曰我乃卜澗水東灑水西惟洛食是周家  
建國用卜未嘗用土圭之法卽以土圭測景論温公  
曰日行黃道每歲有差地中當隨時轉移故周在洛  
邑漢在潁川陽城唐在汴州浚儀據此是地中屢變  
將建國亦隨之屢變乎况堯都平陽舜居蒲阪文王  
居鎬初未嘗定求地中以建國也善乎王志長之論

曰惟王建國云云。非當年已試之實錄。乃言帝王均  
平四海。制作詳備。應若此耳。鄭錫所聞於師。上圭測  
日之法。亦有不可解者。師云。冬夏二至。畫漏正中。立  
一表。以爲中。東西南北各立一表。其取中表。皆以千  
里爲率。其表則各以八尺爲度。於表之傍。立一尺五  
寸之土圭焉。日南者。南表也。畫漏正。而中表之景。已  
與土圭等。其南方之表。則於表南得一尺四寸之景。  
不及土圭之長。是其地於口爲近南。故其景短。南方  
偏乎陽。則知其地之多暑。他三方類是。余謂中表有  
定。地方知南北東西之表。之景之偏。今中表定於何  
地乎。將合四方之表。以求地中乎。而四方之表。亦無

定跡。此皆其可疑者。

以土圭土其地

前言土圭之法測土深。鄭司農云：土深謂東西南北之深。鄭鍔曰：凡地之遠近里數侵入，則謂之深。今史氏訓以土圭土其地，而云測土深之法，又以淺深言。何與？史云：穿土至深，莫不有沙礫。土面有膩土，則肥。土圭測其淺深，而知其肥磽。土面有膩土，自肥。深土有沙礫，自磽。此理之一定。何以測爲？况地之淺深，土圭以何法測之乎？易氏曰：土其地者，倣倣王國之法。以定東西南北之勢，然後制其小大廣狹之封。斯言得之。

以荒政十有二聚萬民

金穰水毀木。饑火旱皆所謂荒也。萬民將流徙而走  
 四方。先王乃以十二政聚之。然亦是第二義矣。古者  
 以三十年之通制國用。十年蓄積。豈禹水湯旱所能  
 災哉。此預防凶荒。端本澄源之良法也。蓋未荒而備  
 之。莫若九年之餘。已荒而救之。莫若十二政之聚。李  
 俚平糴法。豐年賤收之。凶歲發而糴之。穀價不貴。耿  
 壽昌常平倉。穀賤增價以糴。穀貴減價以糴。民均受  
 利。此又其次也。周世宗於淮南饑。貸米不責其償。可  
 謂仁人矣。胡寅曰。若責其償。或嚴其期。或徵其耗。或  
 取其息。或予之以米。而使之歸錢。或貧無可償。而督

之不置。或胥吏以詭貸而徵諸編民。皆民所甚病。此亦不可不知也。富鄭公賑饑青州。可謂處置得宜矣。丘濬曰。地有遠近。數有多寡。人有老少。聚爲一處。則蒸爲疾疫。散之各所。則難爲管理。不置簿書。則無所稽考。不依次序。則無以徧及。置之則動。經旬月。序之則緩。不及救。有會集之擾。有辨察之煩。皆足致弊。此亦須兼採也。先事之備之善。與不及事之弊。往事可鑒矣。趙汴知越州。前民未饑。爲書問屬縣。苗所被者幾鄉。當廩於官者幾人。溝防可儆民治者幾所。庫錢倉粟可發者幾何。富人可募出粟者幾家。使各書以對。曾鞏曰。見旱勢之方熾。知歲事之必歉。前民未饑。

已爲濟饑之備。後世有志於民者，當依其條件先事訪問也。蘇軾與林希書言：熙寧荒政之弊，費國家錢米累百巨萬於救荒，初無絲毫益，救之遲故也。丘濬曰：朝廷須定奏災限期，頒行天下。災八分以上，馳傳五分以上，差人二三分以上，八通隨其遠近以爲期限。緩不及期，有罰如此。藩服鑿司郡縣守令，有不以救災爲急者乎？斯言可師也。他如趙清獻在會稽，不減穀價，四方商賈輻湊。韓魏公在仁宗朝，請罷鬻沒官之田，募人承佃，爲廣惠倉，散與鰥寡孤獨，皆當祖其意。審時度勢，臨事酌行之。至戰國時，秦饑乞糴於晉，魯饑乞糴於齊。漢武詔令水潦移於江南，下巴蜀。

之粟致之江陵。此皆後世移民移粟苟且權易之術。卑卑不足道矣。

六曰去幾

鄭司農以爲關市去幾。王氏曰門關所以防姦人出入。不幾得乎。幾者市之去幾也。斯言得之。

九曰蕃樂

杜子春讀蕃爲藩。謂閉藏樂器。玉藻年不順成。食無樂。大司樂於大札則令弛縣。解縣不作而已。何以閉藏爲。

十曰多昏

昏必用六禮。凶年不責以六禮。則昏者自多。非命之

多昏也。呂氏謂凶荒之年，多是匹夫匹婦不能自保，殺禮而多昏，使男女自相保之義亦通。

十有二曰除盜賊

前云緩刑，此云除盜，得無自相背戾乎？非也。小過刑可緩，大罪必用重典也。凶荒之歲，姦人乘間竊發，一夫夜呼，萬眾響應，非有以重懲之，鳥駭鼠竄，竊弄鋤挺禍亂之機，已兆於此。此荒政必以除盜賊終也。辛棄疾帥湖南賑濟榜文曰：劫禾者斬，正師此意耳。

六曰安富

凡富以克勤克儉得者，居多亦有何辜？後世乃以豐富故，征取無義，而暴吏更以鋤富強為能，貧者固不



可使之朝夕不給富者寧可使之室家不寧平均非  
盛世愛養萬民之道也故先王思所以安之安者不  
擾而已不擾則自安李氏曰大司徒十二教九曰以  
度教節則民知足以本俗六安萬民其六曰同衣服  
知足衣服不異則富者安非也

以本俗六安萬民

魏莊渠以爲祖宗根本所在民不忘本則善心生俗  
字無下落且安萬民尙說不到生善心上劉執中以  
爲使俗有本安於其生本俗二字折講不得顛倒不  
得且俗又以何者爲本乎皆非也康成訓本爲舊得  
之以因也因其舊俗而不爲紛更則自無擾亂正所

以安之也

三曰聯兄弟

註以昏姻嫁娶訓兄弟似非兄弟字本義疏引爾雅  
 釋親云母與妻黨為兄弟此處似說不到外親鄭鏗  
 云自一世二世而後分房析族寔以疎遠以兄弟之  
 不聯庶幾近之劉執中曰兄弟衆多者必使受田同  
 井則手足相應衣食相資父母相接子孫相親以此  
 訓聯兄弟甚為切實而萬民之安即在其中矣  
 使之相受

杜子春謂民移徙所到則受之單以移徙言亦狹矣  
 鄧潛溪謂老受而終之幼受而長之窮無歸者受而

養之。又情事之，必不能者。先王豈肯強人以所必不能哉。鄭玄曰：宅舍有故，相受寄托，其說爲長。曰有故，不時有也。曰受寄托，不負寄托，正比閭之誼也。

### 使之相賓

相賓相敬之意。先王敦睦之教也。如斯而已。康成謂賓客其賢者於何，見其爲賢者而賓客之乎。鄭錫謂賓興之時，彼賢我賓，我賢彼賓，但以三歲賓興言，亦非先王名鄉使相賓之本旨也。陳君舉謂一鄉萬二千五百家，所謂賢者必灼然可用，使之相賓必賢而可用，乃相賓。彼非賢而爲庸衆者，遂可以不相敬乎。大抵訓釋經文，以簡易明白爲尙，勿穿鑿，勿附會，勿

泛濫勿深晦乃得。

頒職事十有二於邦國都鄙使以登萬民

魏氏以登爲進而成之。鄭鍔曰：好逸惡勞，民之常情。任以職事，使之勉力赴功，乃所以登之是矣。劉執中以登爲登於籍，如能稼穡者登於稼穡之籍，大司徒安能舉邦國都鄙之萬民之任十二職事者，盡登於籍乎？且登籍必稽籍，亦不勝其煩矣。

以鄉八刑糾萬民

大司徒以鄉三物料萬民而復料萬民以鄉八刑，何哉？蓋教非刑則不行也。始之縣象以教也，本以責民之帥，不帥無罰，民將日流於不肖，繼而選舉之政行。

姑用其所親。潛德幽光。聽其沉淪。草澤不異。蔽賢故也。是以古之司教者。上賢以崇德。必簡不肖以除惡。及教成而用之也。進賢受上賞。蔽賢必蒙顯戮。用是人材蔚起。野無留良。昔齊桓公於鄉長復事。必親問焉。有闕於鄉者。不告。謂之蔽明。鄉之秀出於衆者。不告。謂之蔽賢。鄉之驕躁淫暴。不用上令者。不告。謂之下比。皆以五罪罪之。鄉長退而修德。進賢。斯卽先王糾萬民以鄉。八刑之遺。三物八刑。皆言鄉老教。必自鄉始。是以古來觀人者。必資鄉評。用人者。必取鄉舉。故觀於鄉而知王道之易易也。

七曰造言之刑。八曰亂民之刑。

造言亂民如鄭註訛言惑衆左道亂政當付大司寇  
用重典矣。余謂造言妄言也。亂民不循繩墨也。且輕  
說方與教刑合。鄉刑教刑也。書曰朴作教刑。  
其附於刑者歸於士

司徒掌教之官不服教而有獄訟聽而斷之猶與其  
可教也。至非教刑所可治然後歸於士。附麗也。麗於  
司寇士師之五刑乃歸之耳。故項氏以司徒斷刑士  
行刑爲非。

### 小司徒

以辨其貴賤老幼廢疾凡征役之施舍

王東巖謂征役之施舍只是凡征民力以受役者於

貴賤老幼廢疾則弛其力而舍之。是小司徒掌教法以稽以辨者。只爲力役一事亦太狹矣。且貴者尙有力役之征乎。王昭禹以爲貴治賤賤事貴老在所養幼在所慈廢疾在所寬恤方與小司徒教法合。凡征役句文是推開另一事說。或征或役宜施宜舍自有法在。征役須如疏解征謂稅之役謂徭役施舍須如鄭景望解施猶加也。或加或舍必辨其實乃爲得之。以施政教行徵令。

政教徵令判然二事。皆以所入民物之數而斟酌之。易氏所謂據其數而舉飲射之類而起師田之類是也。賈氏謂小司徒施政教徵索於民似將徵令牽入

政教內又云及所施政令改徵爲政以施字貫下又似徵令卽所施政教均參雜不可從。

乃會萬民之卒伍而用之。

古者軍法起於鄉。鄭註所謂因農事而定軍制者也。陳君舉曰有事致之行陳無事歸之田里無招收之擾無廩給之費先王寓兵於農誠千古不易之良法也。王明齋謂攷六鄉居民之數一比長所統合有五。十家一比長所統僅五家而已合五比爲閭。裁有二。十五家自有閭長統之。康成云使之者皆謂立其長而教令使之則閭有長之明驗也其所云伍之人取於家之內是所云十家取一人則非按鄉遂之制始



於五家之寡。終於萬有二千五百家之衆。倘十家而取一人。僅得一千二百五十人耳。積伍而爲軍。亦是萬二千五百人矣。天子六軍。蓋七萬五千人也。家數豈足敷人數。按萬二千五百家爲鄉。萬二千五百人爲軍。家起一人爲軍。六鄉六軍備矣。此古之軍。所以必起於鄉也。

乃均土地以稽其人民而周知其數

周家授田之制參差不一。大司徒言不易之地。家百畝。一易之地。家二百畝。再易之地。家三百畝。遂人言上地。夫一廛田百畝。萊五十畝。中地。夫一廛田百畝。萊百畝。下地。夫一廛田百畝。萊二百畝。司徒遂人蓋

以田之肥瘠爲授田之多寡也。小司徒言上地家七人可任也者，家三人；中地家六人可任也者，二家五人；下地家五人可任也者，家二人。大司馬言土地食者三之二，其民可用者家三人；中地食者半，其民可用者一家五人；下地食者三分之一，其民可用者家二人。小司徒大司馬又以口之多寡爲授田之肥瘠也。王制言農田百畝，上農夫食九人，其次食八人，其次食七人，其次食六人，下農夫食五人。孟子言一夫百畝，上農夫食九人，上次食八人，中食七人，中次食六人，下食五人。王制孟子又謂授田有定畝，而以食人多寡爲農之上下也。孟子當周末造，周官周禮豈不

知之而言周制獨與周禮異王制同者其聞見審必  
以王制爲可從耳後世言授田者自當以孟子之言  
爲宗田限百畝不言肥瘠自按授田之區之地之肥  
瘠而均之肥瘠均人心安矣先王制作固不強人以  
所不安也

凡起徒役毋過家一人以其餘爲羨唯田與追胥竭作  
家三人二家五人家二人正卒也其餘皆羨卒從役  
家一人民力已寬更有羨卒備代民力自有餘唯田  
與追胥竭作以所役近且暫故正卒羨卒乃盡行耳  
先王愛民甚故不肯盡其財力所以國有閒田民有  
羨卒後世反此晉作州兵魯作丘甲按籍調發不遺

一人秦自實田唐括逃戶隱田山陬海澨尺土必登  
於是民財殫民力盡矣夫然後嘆先王毋過家一人  
之爲愛民之至也

凡用衆庶則掌其政教與其戒禁

族師黨正州長鄉大夫平居掌衆庶之政教戒禁者  
也。及起衆庶用之。則自有臨時之政教戒禁。在小司  
徒。乃掌之耳。鄭鏐以小司徒位尊爵高。乃能合政教  
與戒禁。兼掌之。彼族師黨正州長鄉大夫。爵位不逮  
司徒者。僅能掌政教戒禁之一乎。必不然矣。

凡國之大事。致民大故。致餘子。

鄭鏐謂大事常事之大者。如田役之類。家一人足矣。

故致授田之夫大故事出意外患生不測非家一人所能禦故致爲羨之卒不執定大事大故爲何項得之如鄭註大事戎事大故災寇無乃太拘乎

乃經土地面井牧其田野

此治野之法。繼鄉法而起者也。故曰乃鄉地近內沃主多而草萊少。則有井無牧。至野外之地肥磽相兼。乃可井牧。井用比折而行也。王東巖言井其田野方里而井。井九百畝。公田處中。私田包外。是也。牧其田野土地。授萊視田半。下地授萊視田倍。中地田萊等是也。至比折之法。左氏異議言之詳矣。沃衍之地九夫爲井。山林之地九夫爲度。九度當一井。藪澤之地

九夫爲鳩八鳩當一井京陵之地九夫爲辨七辨當一井淳鹵之地九夫爲表六表當一井疆潦之地九夫爲蕪五蕪當一井偃豬之地九夫爲規四規當一井原防之地九夫爲町三町當一井隰臯之地九夫爲牧二牧當一井比折其當則井牧或兼施或單舉方成活法而不窮於所用周公經地設井立步制畝當年經畫自有定制後人註釋不無參差一井之田九百畝八家各移百畝公田居中亦百畝或以爲八家同養公田先治之或以爲八家各耕百十畝以十畝爲公田此分田治田之不同也一夫田百畝除山川林麓三分去一則僅六百畝此歉於百畝者又一

易再易之田。或家二百畝。或家三百畝。又溢於百畝矣。此畝之取數多寡不同也。後人欲行古人法。但師其意可耳。八家同井。存亡相守。出入相司。嫁娶相媒。有無相貸。疾病相救。是也。區區較量於田畝多寡間。亦末矣。周公井田之法。通行於天下。故通率備言之。縣都之名。偶同公卿采地。鄭註遂謂造都鄙爲采地。制井田也。固哉。

乃分地域而辨其守。施其職而平其政。

邱邑縣都地各有域。分之使不相亂。域各有守。辨之使不相踰。然後農圃虞衡因地以施其職。因職以起其稅。且又必遠近輕重。適其宜而得其均。故曰平康。

成謂守爲虞衡之屬。王昭禹遂以山虞澤虞掌其政令爲守。無乃侵下其職位乎。

及大比六鄉四郊之吏。平教治正政事。攷夫屋及其衆寡。六蓄兵器以待政令。

六鄉四郊之吏。教治有優劣。政事有得失。其中夫有勤惰。屋有修廢。以及戶口之衆寡。六畜之登耗。器械之備乏。平之正之。攷之正。所謂大比也。以待政令。賈氏謂以待政令所須則供之是矣。項氏曰政令卽大比之鈞考。前已平之正之考之矣。復待鈞考乎。王氏曰待誅賞之政令。前歲終考屬官而誅賞自鄉郊至都鄙有地治者皆屬官。此六鄉四郊吏獨非屬官乎。



誅賞於歲終。三年大比，再行誅賞。先王恐無此制也。

### 鄉師

以國比之法以時稽其夫家衆寡，辨其老幼貴賤廢疾，馬牛之物，辨其可任者與其施舍者。

國比之法，卽小司徒九比之法，卽大比吏之法。鄉師用之，故曰國比之法。林氏謂卽大司徒五家爲比之法，五家爲比，特五家之總名耳。與下文間爲五比之總名等焉，得謂之比法乎。夫家衆寡衆寡之數耳。小司徒夫家九比之數，鄭玄謂出九賦之人數是也。稽察衆寡之人數耳，尙說不到可任可施舍。易氏謂稽夫家衆寡，謂其可任者，辨老幼貴賤廢疾，謂其可施

舍者分配更屬支離辨其老幼貴賤廢疾辨人耳牛馬之物辨物耳辨之者何辨其可任者與其施舍者兩辨字正相應故以此句結之夫家衆寡以時稽察而已與此結句固無涉也

既役則受州里之役要以致司空之辟以逆其役事

司空掌役州里出役鄉師則受州里遣役之數按司空功作之章程而因以鈎考稽察其役事也黃氏謂要與法參互之其事可逆而知則逆爲揣度之辭非鈎考之義矣且役事必逆知何謂哉

以司徒之大旗致衆庶而陳之以旗物辨鄉邑而治其政令刑禁

而陳之黃氏以爲句絕。言陳列也。較鄭註爲順。觀上下二句皆以以字起。以而字轉。益了然矣。旗物易氏謂鄉邑之旗非司徒之旗。是鄉邑各有旗。各有方色。辨之使不相亂。故有政令刑禁之治。其非司徒所建。熊虎之大旗明矣。大旗致衆庶而陳列之已耳。鄭註亦非是。

### 稽其鄉器

且長閭胥族師黨正。州長鄉大夫各主集爲其所共之器。而鄉師則又總比閭族黨州鄉所集爲之器。而稽之者也。鄉師四人。二人主三鄉。恐鄉器之不備。與敗壞也。稽之。惟比長閭胥等是問。庶鄉可無不完之。

器矣。惟此鄉器。財出六鄉之家。用共六鄉之人。鄉師掌而稽之。以成此大同之美俗。王氏以爲鄉器比閭族出於民黨。州鄉出於公。且以王昭禹謂鄉器皆集民財爲之。爲非而曰行禮以教民。而反取於民乎。然則比閭族獨非教民行禮之地。而可以任其取民乎。至鄭氏謂比閭族黨之服器出於比閭族黨之所罰而爲之。假使無可罰器。卽可以不制。以先王公物。和俗之大典。而謂必待里布屋粟之罰。而始成其論。更悖繆矣。

則攷教察辭稽器展事

攷察稽展皆爲鄉吏而言。非謂鄉人也。攷教察辭鄭

註所謂視賢能以知道藝與否。視吏言事知其情實否是也。稽器王昭禹謂器吉凶實軍凡備物致用者。王氏謂稽稽其足否與良窳是也。展事王昭禹謂事凡施於名物者皆事。賈氏謂展行事展省視之。知其善惡是也。蓋然四項皆兼兩端。故下文云以詔誅賞。鄭鐸謂攷教則察其辭。稽器則展其事。若以攷教先察辭。稽器乃展事者。王昭禹謂教之不明常起於辭之不正。又若以辭爲可以亂教者均失之矣。